



Sámi allaskuvla

Sámi University of Applied Sciences

OAHPPOPLÁNA

SÁMI MUITALANÁRBI JA DAN OKTAVUOHTA TEÁHTERII JA FILBMII

10 oahppočuoggá

Sámi allaskuvlla dutkan- ja oahppostivra dohkkehan 9.6.2015 čoahkkimis 10/2015 áššis 76-15.
Rievdaduvvon goahtejođiheadji mearrádusnotáhta bokte 06.01.22 (Public áššer. 21/00875-1) ja
27.09.22 (Public áššer. 22/00610-1).

1. OAHPPPOVTTADAGA NAMMA

Sámegillii: Sámi muitalanárbi ja dan oktavuohta teáhterii ja filbmii

Dárogillii: Samisk fortellertradisjon i lys av teater og film

Eangalagillii: Sámi story telling and reminiscence literature and their connection to the theatre and film

2. OPPALAŠ DIEĐUT OAHPU BIRRA

OAHPPPOVTTADAGA KODA: SÁM 105

VIIDODAT: 10 oahppočuoggá

OAHPU LÁGIDEAPMI: Neahttadoarjjaoahpamus: oahpus leat fysalaš deaivvadeamit Guovdageainnus, ja muhtin ráje neahttaoahpamus.

3. OAHPPPOGRÁMMA GULLEVAŠVUOHTA

Sámegiela ja sámi girjjálašvuoda bachelorprográmma.

4. SISABEASSANGÁIBÁDUSAT

Dábálaš sisabeassangáibádusat alitoahpahussii ja sámegielmáhttu. Sisabeassanvuoddu sáhtta leat juogo oppalaš lohangelbbolašvuota (čadahan joatkkaskuvlla/logahaga) dahje realagelbbolašvuota. Oppalaš lohangelbbolašvuoda gáibádusat olgoriikka ohcciide bohtet ovdan NOKUTa GSU-listtus.

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellanja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuota man dási gelbbolašvuota ohccis lea, de ášši ovddiduvvo fágalaš árvoštallamii ja meannuduvvo dán vuodul.

Dasa lassin studeanta galgá leat čadahan SÁM 106 Sámi girjjálašvuota (10 oč) dahje SÁM 111 Sámi girjjálašvuoda vuodđokursa (10 oč) dahje vástideaddji oahpu.

5. OAHPAHUSGIELLA

Davisámegiella.

6. SISDOALLU

Studeanta oahpásmuvvá sámi muittašangirjjálašvuhtii, historjá-biográfalaš girjjálašvuođa ja vuostáiváldima dutkamii. Studeanta suokkarda, mainna lágiin girjjálašvuohta, teáhter ja filbma sáhttet leat čatnagasas nuppiidasaset.

7. OAHPPANJOKSOSAT

Čađahuvvon oahpu maŋŋel lea studeanta olahan čuovvovaš oahppanjoksosiid:

Studeanta

- máhtta geavahit girjjálašvuođa, teáhtera ja filmmaid dutkamii guoski doahpagaidd, teoriijaid ja fágalaš materiála njálmmálaš ja čálalaš ovdanbuktimis.
- máhtta oahpa ja árvoštallat njálmmálaš ja čálalaš girjjálašvuođa gálduid ja čujuhit daidda.
- bastá suokkardit girjjálašvuođa, teáhtera ja filmma mearkkašumi sámi kultuvrii.

8. OAHPAHAN- JA OAHPPANVUOGIT

Oahppanvuohkin leat logaldallamat, digitála luohkkálatnjaoahpahuš, filmmaid geahččan ja daid árvoštallan ja teáhtergalledeamit. Áigeovdilis sámi čájálmasteavsttaid analyseren ja dulkon ja /dahje čájálmashárjehusaidda čuovvun ja vejolašvuođaid mielde gárves čájálmasaidda árvoštallan.

Oahppu vuodđuduvvá proseassaide ja studeanttaidda ovttasbargui. Danne gáibiduvvo aktiivvalaš oassálastin logaldallamiidda ja hárjehusaide.

9. GÁIBÁDUSAT BEASSAT EKSÁMENII

Studeanta guorahallá iežas oahppanproseassa miehtá oahpu ja čállá dan vuodul oahppanbeaivegirjji, man sisdoallu lea oahppanbeaivegirjji čálalaš plána ja guorahallama fáttá čilgehus.

Čuovvovaš bargogáibádušat galget leat dohkkehuvvon ovdal go studeanta beassá eksámenii:

1. Ráhkadit oahppanbeaivegirjji plána mas čilge válljejuvvon čiekŋudanfáttá, ja oahppanbeavdegirjji ráhkadusa ja sisdoalu.
2. Ovdanbuktit oahppanbeavdegirjji guorahallama fágaoahpaheddjiide ja studeantajovkui geat kommenterejit plána ja buktet rávvagiid.

10. EKSÁMEN

Oktagaslaš ruovttueksámen mas studeanta čállá 8–10-siidosaš oahppanbeaivegirjji esseija hámis, mas studeanta guorahallá válljejuvvon fáttá, iežas fágalaš máhtu ja oahppanproseassa. Oahppanbeaivegirjji galgá leat gárvis guokte vahku maŋŋá, go oahpahuš nohká.

Čállošis árvoštallojuvvojit fágalaš čehppodat, čálalaš giellageavaheapmi ja čehppodat hábmet čálalaš barggu.

Eksámen árvvoštallojuvvo bustávvaárvosániin (A-F).

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Privatisttain ii leat vejolašvuohta váldit oahpu, dasgo oahppan eaktuda searvama oahppanproseassaide. Geahča muđui U/A lága § 3-8 (2).

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinnjuolggadusaide, ja makkár vejolašvuođat/geatnegasvuođat studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraportta vuodul.

13. LOHKANMEARRI

Lohkanmearri dohkkehuvvo sierra.